

300 cimarum debet Episcopo ex consuetudine non autem de jure communi ut gloss. in d. cap. Conquerente, in ver. De simulatione & Innoc. ibi num. 4. Hec tamen opinio est contra jura supra citata ideoque à Doctõibus communiter reprobatu rursus Seraphin. decis. 1449. num. 4.

assignari obventiones Sacerdoti in nova Ecclesia instituendo, dat duos intellectus. Primus est, quod Papa hic sub nomine obventionum non intellexit de decimis predialibus; sed de aliis obventionibus, videlicet de oblationibus, de decimis personalibus que dantur diebus quibus Parochiani accedunt ad Ecclesiam de mortuariis & similibus; nam si de illis intellexisset, utique expressisset scilicet expressit de obventionibus, arg. c. ad audientiam supra eodem. Secundus intellectus est, quod quatenus verbum obventiones includat etiam decimas prediales, tamen Papa illud fecit hic de plenitudine potestatis propter periculum animarum; & quia Reclori antiquo remanebant insufficientes redditus ad sustentationem. Sed Episcopus absque Mandato Papæ non potest decimas novo Parocho assignare, nisi de consensu Recloris Ecclesie antiquæ; quia non potest jura unius Ecclesie dare alteri, c. 2. supra de reb. Eccles. non alien. & arg. c. Constitutum, §. sicut duo 16. q. 1. Eandem opinionem tenet & pluribus confirmat Hugo in c. Ecclesia 16. q. 1. ut hic notatur in glossa unica & Innoc. in c. ad Apostolicam supra eodem & Raimundus in summa tituli de decimis, parte tertiâ vers. Item aliquis.

Secunda opinio fuit Joannis Andreæ in add. ad spec. in tit. de decimis, litterâ D. in verbo unica ubi plenè examinat hanc questionem, & post multa in effectu sic distinguit. Aut Ecclesia baptismalis erecta fuit post Parochialem, et tunc Parochialem comprehendat ut Capellam; & tunc clara est Parochialis Ecclesie deberi suas antiquas decimas reales ad eam modum, quo primitus ei competebat; quia constructio nova Ecclesie baptismalis intelligi debet sine præjudicio Parochialis, allegat jura, que hoc probant in sui ratione, videlicet, c. Si quis laicus, c. Quicumque, cap. De decimis & cap. Status, 16. quæst. 1. & in hoc primo membro consentiunt Butr. Cardin. & Abb. Aut viceversa Parochialis Ecclesia erecta fuit post baptismalem, & infra limites plebanatus; & tunc Joan. Andr. concludit decimas deberi Matrici Ecclesie, seu plebi; & hoc intelligit de decimis predialibus; nam personales debentur Capellæ: allegat jura, que dicunt expresse decimas non esse subrahendas antiquis Ecclesiis & plebibus, ut duntaxat Capellæ in illarum Parochia edificantis, videlicet c. Ecclesia, de cap. Quicumque, cap. De decimis & c. Status, 16. quæst. 1. & c. Decimas, 13. quæst. 1. aliâ est vers. sub secundo, §. Et videtur casus, in c. Ex transmissa, cum sua glossa in ver. Decimas, supra de præscript. Ex pro hac opinione, quam, ut ipse ait, approbat consuetudo, facit vitio enormis præjudicium, quod pateret Ecclesia baptismalis, si præter decimas personales & oblationes, quas perdidit ob erectionem novæ Parochie amitteret etiam prediales contra Canones supra inductos: cum præterit baptismalis adhuc sit Parochialis totius Plebanatus ratione administrationis Baptismi, quod est fundamentum omnium Sacramentorum, cap. fin. de præbit. non baptiz. Quo respectu etiam nuncupatur Matrix, quia sicut mater generat, ita hæc baptizando regenerat, ut notatur in Clem. 1. circa med. in gloss. in ver. Matricem, de sent. excomm. Atque ita in hoc secundo membro, Jo. Andr. concordat cum prima opinione Hugonis, & Bernardi. Sed postea limitat suam conclusionem dupliciter, primo scilicet, si consuetudo habeat ut decime debeantur Parochiali noviter erecte, secundo si Episcopus in limine erectionis, cum alter animabus providere non posset, illas Parochiali Ecclesie assignaverit de sui Capituli consensu, & in hoc discrepat à prima opinione Bernardi, qui putavit Episcopum hoc non posse absque speciali commissione Papæ, nisi de consensu Recloris majoris Ecclesie.

Tertia opinio fuit Innoc. in d. c. Ad audientiam, il primo, de Eccles. adific. in gloss. in ver. Proventus, qui tenent novæ Ecclesie non debent nisi proventus spirituales, quos Ecclesia Matrix habebat in ea villa, ubi nova Parochia fuit constituta. Non enim credimus, inquit, quod ei dare deberet campos, vel alia bona, que haberet in ipsa villa, & cum eo tranfit hic Abb. Antiqu. n. 1. in eod. ver. Non tamen aperit Innoc. an sub nomine proventuum spiritualium intellexerit de decimis, necne. Et nihilominus illius opinionem refellit ibid. Host. n. 2. in ver. Obventiones, quia Episcopus Ordinator est non solum spiritualium ad Ecclesiam pertinentium, cap. 1. 2. & 3. & per totam, 10. q. 1. Unde si videat periculum animarum, debet præponere spiritualia temporalibus, arg. cap. Præcipimus, 12. quæst. 1. cum aliis per eum allegatis, & cum Host. consentiunt illic Joan. Andr. n. 2. in ver. Proventus, Butr. n. 8. Cardin. n. 5. in prima quæst. & Abb. n. 7.

Quarta opinio fuit Goffredi in summa hoc tit. §. 2. afferentis decimas prediales debentur Parochiali, intra quatuordecim prædia sita sunt, personales vero dividendas esse inter baptismalem & illam, in qua Parochiani audiunt Divina, pro qua facti quod scripti Joan. Andr. in cap. De his, super gloss. 2. de Sepult. & quod dicam infra n. 35.

Quinta opinio, quæ aliquantulum accedit ad præcedentem

De decimis, c. Cum contingat.

tem, fuit Host. in summa eod. tit. §. Cui danda, in primo, qui cens. personale danda esse Parochiali, seu baptismali, id est ubi audiuntur Divina, & percipiuntur Sacramenta, per cap. Quia, 16. q. 1. Prædiales vero Parochie prædiorum, ut c. Quoniam, supra eod. & cap. fin. de Parochiis, nisi aliud habeat consuetudo, c. Cum sint, supra eod.

Sexta demum opinio fuit Joan. Calder filii adoptivi Joan. Andr. qui reprobata hic patris opinione, arbitratus est decimas prædiorum novæ Parochie debentur Ecclesie Parochiali noviter constructæ, etiam eas Episcopus illi non assignaverit; quia de jure communi eo ipso quod Ecclesia habet limitatam Parochiam, debentur illi redditus spirituales provenientes ex prædiis intra Parochiam inclusis, ut in c. Pastoralis, supra de his que fiunt à Prælat. Et hanc rationem dicit esse inconvincibilem, infra de Eccles. adific. Cui opinioni valde etiam suffragatur littera illius Decretalis, Ad audientiam, in ver. Obventiones, nam decime veniunt appellatione oblationum, ut c. Cum inter, de verb. signif. Ergo fortius veniunt appellatione obventionum, quod est verbum magis generale. Sed obventiones debentur Sacerdoti novæ Parochie persequendo, ut est textus in dicto capite Ad audientiam, hic Obventiones Ecclesiasticas percepturum. Ergo illi debentur & decime. Eandem opinionem tenuit gloss. in summa 13. quæstione prima & hic etiam Archidiaconus dicens de hoc esse casum in c. Ad decimas, de restit. spol. Paul. Zenzelin & Laudum. in Clem. 1. de decim. Collectæ. in c. Quoniam, n. 1. supra eod. Anchar. inter consil. Calderini in tit. de decim. cons. 2. Et pro hac parte post prolixam disputationem concludit hic Butr. col. ult. vers. Mihi videtur sic concludendum, & Card. in 2. q. nisi tamen Ecclesia esset Parochialis certorum Parochianorum sine limitibus; quia tunc planum putat decimas prediales debentur Ecclesie matri, quia ad hæc Parochia remanet matrix, secundum eum, quam limitationem ante eam posuit & Collectarius hoc. cit. loquitur Abb. hic n. 8. col. ult. post med. dicens, hanc opinionem tenere communiter moderniores. Pro qua etiam ipse in facti contingentia consulit, ut idemmet testatur in d. cap. Ad audientiam, n. 14. de Eccles. adific. habetur illius consil. lib. 1. consil. 58. incip. in q. qua veritur, per totam. Et ad jura per Joan. Andr. inducta, que dicunt novæ Capellæ non esse contrahendas in præjudicium baptismalis, nec decimas esse subrahendas plebibus ut duntaxat Capellæ, respondet Butr. & Abb. non habere locum quando ad erectionem, & substructionem hujusmodi proceditur ex jura & necessaria causa, vel illa jura secundum Calder. loquentur de Capellæ non habentibus aliam Parochiam sub se, quod etiam dicit Butr. in c. Ex transmissa, n. 7. supra de præscript. Deum hanc sententiam multoties probarunt Domini de Rota, videlicet in Comen. decimar. 28. Junii 1502. & 27. Novembris 1606. coram Card. Sacratio, item in Conchen. decimar. de Contenc. 11. Martii 1619. coram Pirovano, & in Mediolanens. decimar. S. Juliani 16. Januarii 1613. coram Card. Pamphil. Ac demum in Mediolanens. decimar. de Carlatio 18. Martii 1616. coram Mart. Andr.

Ex his videtur quanta fit in hoc articulo sententiarum varietas, unde vix aliquid certi firmari posset si quæsitio dirimenda esset ex Jure communi. Verum hodie totam hanc controveriam non obscure dissolvit jus novissimum Conc. Trid. in c. 4. sess. 21. Statuit, enim, ut in omnibus Ecclesiis Parochialibus, vel baptismalibus possint Episcopi ex causis hic expressis novæ Parochie erigere etiam invitis Recloribus, & mox subdit, illis autem Sacerdotibus, qui de novo erunt Ecclesie noviter erectis præficiendi, competens assignetur portio arbitrio Episcopi ex fructibus ad Ecclesiam matricem quomodocumque pertinentibus. Hec hic. Expensenda sunt singula verba cum Mysterio appodita ad summovendas antiquas DD. alterationes. Primo enim in illis verbis, possint Episcopi etiam invitis Recloribus, cortexit primam opinionem Bernardi & Hugonis, qui putabant Episcopum sine speciali commissione Papæ non posse novæ Parochias erigere, & Sacerdotibus hic instituentibus obventiones assignare absque consensu Recloris Ecclesie antiquæ; ut distum est supra n. 42. Jam enim ex Concilio Episcopus potestatem habet ut supra erigendi & assignandi etiam invitis Recloribus, Deinde in verbis ex fructibus ad Ecclesiam matricem quomodocumque pertinentibus cortexit opinionem Hugonis, & Bern. dum dixerunt Episcopum non posse auferre decimas Ecclesie matri, & illas dare Ecclesie noviter erecte, nam ex Concilio potest Episcopus novæ Ecclesie assignare fructus ad Ecclesiam matricem pertinentes; & sic etiam decimas, que veniunt fructuum appellatione, cap. Nuncios, & cap. Ex parte, si secundo supra eod. cum similib. præsertim cum Concil. addecerit adversum illud universale, quomodocumque, quod est valde prægnans, & extendit dispositionem etiam ad ea, que alias non fuissent inclusa, cap. Solite, & hic Abbat. in ultim. notat. de majoris & obediens. gloss. fin. in addit. marg. in l. Cum prona, ff. de arbit. dixi in cap. Cum venisset, numer. Fagnan. in III. Lib. Decretal. C 4

litas suis stipendiis unquam? Aut quis plantat vineam & de fructibus eius non edit? Sed determinatio certae partis exhibenda ministris Divini cultus non est de jure naturali, sed est introducta institutione Divina secundum conditionem illius populi, cui lex datur & sic quantum ad determinationem decimae partis hoc praecipuum erat iudiciale, licet significaret aliquid in futurum; & hoc respectu convenit tum ceremoniis praecipuis; iudicialia vero esse non obligent in tempore gratiae, tamen possunt observari absque peccato & ad eorum observantiam aliqui obligantur si statuantur auctoritate eorum, quorum est condere legem, unde determinatio decimae partis solvenda est auctoritate Ecclesiae tempore nova legis instituta secundum quandam humanitatem, ut scilicet non minus populus novae legis ministris novi testamenti exhibeat quam populus veteris testamenti exhibebat; Sic ergo patet ad solutionem decimarum homines teneri partim quidem ex jure naturali, partim ex institutione Ecclesiae, qua tamen praesertim opportunitatibus temporum & personarum, possit aliam partem determinare solvendam. Haec ex illo. Et praedictis adde Covarr. var. resolut. lib. 1. cap. 17. num. 3. ubi latissime differit, an & quomodo decimae tam reales, quam personales debeantur jure naturali, Divino vel humano. Et similiter concludit deberi jure naturali quantum ad sustentationem militum, sed jure Ecclesiastico positivo quantum ad determinationem quotae & hoc communiter tenetur.

10 Glossa ultima querit an consuetudo non solvendi decimas sit attendenda & distinguit inter laicos & clericos. Et quantum ad laicos tenet consuetudinem non valere etiam respectu quotae, nisi sit approbata per Papam, & in hoc consentit Innoc. & alii quos refert & sequitur Turrecrem in cap. Revertimini, num. 14. 16. quae. 1. Sed quoad clericos, & Ecclesiam glossa tenet praescriptionem procedere non solum respectu partis, sed etiam totius decimae, DD. in hoc multum se involvunt & aliorum opiniones recenset Abb. num. 7. & de qua consuetudine loquitur haec Decretalis & de illius intellectu vide Archid. in cap. Quicumque num. 6. vers. Et dicas alii omitti, 16. quae. 7.

11 Breviter dicendum consuetudinem hanc non solum respectu quotae, sed etiam respectu totius decimae quantum ad Clericos & Religiosos esse attendendam ut probat textus a contrario in cap. Nuper, ibi, quibus ante solvebantur, infra eod. dummodo tamen sit legitime praescripta, hoc est dummodo sit immemorabilis vel quadragenaria cum titulo juxta textum in cap. 1. de praescript. lib. 6. ut plenius scripsi in praedicta Decretali, cap. Nuper, in ultima quaestione post Abb. ibi, num. 5.

12 Quo vero ad laicos dicendum valere consuetudinem respectu quotae, licet non fuerit in specie per Sedem Apostolicam approbata, ut contra hanc glossam & Innocentium tenet hic Vincentius & Abb. num. 8. & alii complures quos refert & sequitur Covarr. lib. 1. var. resolut. cap. 17. num. 8. vers. Quidam vero censent, dicens hoc obtinere non tantum in decimis personalibus, sed etiam in praedialibus post Franciscum Bald. in tract. de praescript. in 5. part. principalis, quae. 7. quam sententiam multoties etiam probavit Rota.

13 Sed respectu totius decimae concludendum est nulla consuetudine vel praescriptione induci posse, ut hinc ex toto sunt exempti a solutione decimarum praedialium; & in hoc

conveniunt glossa ultima hic, & communiter omnes Roch. de Curte in tract. de consuet. num. 94. Covarr. d. cap. 17. num. 8. Quod vindicat sibi locum etiam consuetudo, vel praescriptio sit tanti temporis cujus contrarii memoria non existat, quia ubi agitur de exemptione a toto sola immemorabilis non suffragatur ad praesumendum privilegium fuisse obtentum sed requiritur exhibitio ipsiusmet privilegii Apostolici vel probatio famae privilegii juncta cum immemorabili ut decidit Rota decij. 474. num. 3. part. 1. recentior. dicens hanc esse magis communem opinionem, de qua per Innoc. & Abb. in cap. Cum Apostolica, de his qua sunt a Praelar. & alios ibi allegatos, eamque uti communem secum fuisse Rotam in pluribus causis & praesertim in Toletana decimarum inter impressus decij. 215. part. 2. divers. & in aliis concordant, & quamvis doctrinae & decisiones ibi adductae non loquantur in praescriptione juris decimandi, in quo longe major viget ratio prohibitionis, tum propter Concilium Lateranense in cap. Cum & plantare de praescript. tum propter laicorum incapacitatem ut dixi in dict. c. Cum Apostolica nihilominus Rota idem censuit in terminis emptiois, licet in hoc casu non adit tanta juris resistentia quanta ad hoc ut laici fiant capaces juris decimarum ut in praescript. decij. 474. & in Pamplionense, decimarum 26. Octobris 1589. coram bon. mem. Cardinali Pamphilio & plenius in Mediolanen. resissiones tertiationis 21. Maii 1597. coram eodem. 14

Hodie tamen fama privilegii Apostolici non videtur amplius suffragari ad eximendos laicos a solutione decimarum praedialium, aut eos habitandos ad illas percipiendas, propter Constitutionem Urbani VIII. editam die 5. Junii 1641. quae incipit, Romanus Pontifex, ut plene notavi in c. 1. nu. 53. 55. & 57. supra de consuetudine.

15 Quo vero ad decimas personales, an consuetudo vim habeat eximendi laicos in totum ab illorum solutione, DD. non conveniunt, nam gloss. final. hic, & Innoc. indistincte tenent nullam consuetudinem, nisi a Romano Pontifice sit approbata, eximere posse laicos a solutione decimarum nec personalium, nec praedialium; nec ab earum aliqua parte Existimant enim etiam personales deberi jure Divino, & ideo esse impraescriptibiles, ut tetigi supra n. 5. & hanc opinionem fatetur esse communem Roch. de Curte in d. tract. de consuet. num. 94. Licet eum Covarr. citet pro contraria sententia, ait enim, communis videtur conclusio, quod non valeat consuetudo, maxime in decimis praedialibus; nam illa dictio, maxime, implicat idem esse in personalibus.

16 Ceterum a juris utriusque interpres frequentius in eamdem est sententiam, ut consuetudo eximere possit laicos a solutione decimarum personalium, eo quod non debeantur jure naturali, sed tantum jure humano, quod tolli potest per consuetudinem. Ita post Raimundum firmat Turrecrem. in d. cap. Revertimini, num. 13. 16. quae. 1. Host. in Summa in titulo de decim. 5. Et utrum quae. 7. Henric. Boich. in cap. Pervenit, col. 5. num. 20. supra eodem, Felin. in cap. Causam quae col. 1. de praescript. Idque communiter receptum esse attestantur Cardin. in cap. 1. n. . . . supra eodem, & Covarr. alios referens lib. 1. var. resolut. de cap. 17. num. 8. & verba illa textus nostri. Ille quippe decimae sunt solvendae, quae debentur ex lege Divina, vel loci consuetudine approbata, exponunt scilicet praediales, ut per Turrecrem. ubi supra.

DE



DE DECIMIS.

Innocentius III. in eodem Concilio Generali.

CAPUT XXIV.

Nuper Abbates Cisterciensis Ordinis generali Concilio congregati, ad commotionem nostram providè staverunt, ne de cetero fratres ipsius Ordinis emanant possessiones, de quibus decimae debeantur Ecclesiae, nisi forte pro Monasteriis noviter fundandis. Et si tales possessiones eis fuerint pia fidelium devotione collatae, aut emptae pro Monasteriis de novo fundandis, committantur aliis excolendae, a quibus, Ecclesiae decimae perfolvantur. Ne occasione privilegiorum suorum Ecclesiae ulterius praegraventur, decernimus, ut de alienis terris & amodo acquirendis, etiam si eas propriis manibus aut sumptibus excolant, decimas perfolvant Ecclesiae, quibus ratione praediorum antea solvebantur: nisi cum ipsis Ecclesiis aliter duxerint componendum. Et hoc ipsum ad alios Regulares, qui gaudet similibus privilegiis, extendi volumus & mandamus, ut Ecclesiarum Praelati promptiores, & efficaciores existant ad exhibendum eis de suis malefactoribus justitiae complementum: eorumque privilegia diligentius & perfectius studeant observare.

SUMMARIUM.

- 1 Cistercienses, Templarii & Hospitalarii de fructibus possessionum quas acquisiverunt post Generale Concilium tenentur decimas solvere si prius ex illis decimae solvebantur.
- 2 Cistercienses emere non possunt praedia decimabilia, nisi pro Monasteriis fundandis; & acquisita ex largitione fidelium vel empto pro Monasteriis fundandis, debent tradere aliis excolenda.
- 3 In decimis praedialibus quae debentur Ecclesiae non Parochialibus, ex privilegio vel praescriptione aut alio jure speciali, an habeat locum hoc Capitulum & n. sequ. usque ad n. 10.
- 4 Quid si decimae debeantur Ecclesiae Cathedrali, n. 8.
- 5 Et quid si debeantur inferioribus Ecclesiis ex consuetudine vel privilegio aut praescriptione n. 9.
- 6 Ratio in lege expressa eius est potentia, ut determinet annos casus sub ratione comprehensos, etiam ad correctionem Juris communis.
- 7 Decimae communes, non autem ex pacto, sollicitatione vel voto comprehenduntur in clem. Dispensolam de judic.
- 8 Prajudicium majus est omittere quod competit de Jure communi, quam quod competit de jure speciali.
- 9 Privilegium non censetur Princeps voluisse concedere contra alium qui est dignus eodem favore.
- 10 In decimis debitis Cathedrali Ecclesiae Episcopus fundat intentionem de Jure communi.
- 11 Decimae etiam de fructibus praediorum dotalium Ecclesiae vel Monasterii solvi debent illis Ecclesiis quibus antea solvebantur.
- 12 Item solvi debent de fructibus fundi, vel mansi Monasterii ante illius constructionem, sive excolatur propriis manibus, sive aliis excolendus tradatur.
- 13 Secus postquam Monasterium fuerit hic edificatum.
- 14 Privilegium est revocandum quando incipit tendere in grave prajudicium aliorum.
- 15 Decimae praediales a Regularibus privilegiatis solvenda sunt de fructibus illarum possessionum, quas acquisiverunt post datam Concilii generalis.
- 16 Secus de acquisitis ante, n. 16.
- 17 Dicitio, amodo, quid importet.
- 18 Fagnan. in III. Lib. Decretal.
- 19 Lateranense Concilium sub Innoc. III. quo tempore fuerit celebratum.
- 20 Decimae de possessionibus acquisitis post Generale Concilium regulares privilegiati ita demum tenentur solvere, si de illis antea decimae solvebantur.
- 21 Aliis secus, & n. sequ.
- 22 Et quid si decimae antea solvebantur ratione Jodis administrationis Sacramentorum, n. 23. vers. Quod autem dictum est.
- 23 Consuetudo immemorabilis non potest in totum eximere quemquam laicorum a solutione decimarum praedialium.
- 24 Et quo casu possit eximere Religiosos ab hujusmodi solutione.
- 25 Privilegium, quod habent Religiosi non solvendi decimas de novalibus, quae propriis manibus, vel sumptibus excolant, per hoc cap. non fuit sublatum.
- 26 Novale quid sit.
- 27 Compositio super decimis facta per Parochum sine beneficii Apostolico an transeat in successorem.
- 28 Exemptio a decimis praedialibus post Generale Concilium obtenta an valeat, & n. sequ. usque ad n. 32.
- 29 Quid si in privilegio fuerit expressè derogatum huic c. Nuper, ibid.
- 30 Et quid si derogatum non fuerit, n. 27.
- 31 Constitutio edita a Papa in Concilio non impedit quin successores possint contra eam privilegium, vel dispensationem concedere.
- 32 Derogatio c. Nuper, in privilegio exemptionis a decimis praedialibus non requiritur quoad illa praedia, de quibus decimae prius non solvebantur.
- 33 Sed quoad illa, de quibus antea solvebantur, necessaria, est derogatio, alius privilegium est nullum ex defectu intentionis in concedente.
- 34 Derogatio prima partis hujus cap. Nuper, non censetur concessa, nisi in specie fuerit expressa.
- 35 Constitutio cap. Nuper, ad effectum ut requiratur derogatio, est Conciliaris.
- 36 Derogatum censetur cap. Nuper, si in litteris exemptionis a decimis praedialibus derogatur alicui Concilio generali, & postea addatur Clausula, & aliis Conciliis.

H 4

308 tota die) sequitur Joan. Andr. num. 3. in ver. Nisi cum istis, dicens se vidisse privilegium Cisterciensium datum super possessionibus acquisitis post Concilium & propriis ad nostra tempora Gregorius XIII. concessit Religiosis Societatis JESU privilegium exemptionis a solutione decimarum prædialium cum specifica derogatione hujus cap. Nuper ut in ejus Constitutione §. 1. incip. Pastoralis officii, in Bullar. tom. 2. pag. 421. de quo privilegio actum fuit in Rota decij. 193. num. 5. part. 7. recent. Et sapè alias. Et hic jure que de validitate similibus privilegiorum tetigit supra numer. 21.

19 Aut in privilegio Apostolico non reperitur derogatum huic Constitutioni, tunc puto diluendum, nam aut agitur de prædiis de quibus decima prius non solvebatur; & existimo privilegium quoad illa esse observandum. Ratio est quia, ut dixi supra in §. not. iste textus non revocat quin potius præservat privilegia quoad illa prædia de quibus decima ante acquisitionem non solvebantur. Undè cum hæc Constitutio quoad prædia hujusmodi non obviet privilegio, non fuit opus hac in parte illi derogare, cum derogatio non fiat nisi ad contraria, c. 1. de Constit. lib. 6. c. ex parte de Capell. Monach. elem. Dudam, §. Nos etenim hic in quantum fuit præmissis vel alicui præmissorum contraria, de sequitur.

Aut agitur de prædiis, de quibus antequam transirent ad 28 privilegiatos, decimæ solvebantur Ecclesiis & tunc necessaria est derogatio hujus c. Nuper; quia cum sit conciliare, censetur habere clausulam derogatoriam ad sequentes dispositiones; & datur defectus intentionis in concedente, textus est in c. ex parte, infra de Capell. Monach. Archid. in c. 1. n. 2. de Constit. lib. 6. Oldrad. conf. 316. Quod articuli. Felin. in c. Nonnulli & hic dixi ad num. 21. supra de rescript. & in terminis hujus c. Nuper, articulo diligenter examinato decidit Rota dec. 122. part. 1. divers. & in recent. dec. 341. n. 2. part. 1. & dec. 42. n. 9. part. 7. & coram Coccino dec. 192. lib. 2. Quin imò amplius resolvit simplicem derogationem, c. Nuper non suffragari ad effectum emendi prædia decimalla; sed oportere ut prima illius parti fuerit expressè derogatum, cum derogatio hujusmodi concedi non consueverit, nisi cum magna maturitate & causæ cognitione, ut in causa Orioleni decimarum 21. Maii 1586. coram Orano impressa apud Hieronimum Campan. in divers. Juris Can. rubr. 12. c. 13. n. 154. & in recent. dec. 229. n. 2. par. 2.

Non obstat, quod hoc Capitulum sit deductum in Corpore juris, & Papa censetur de ipso habere plenam notitiam, d. cap. 1. de Constit. lib. 6. Quia nihilominus necessaria est derogatio, ut in d. cap. Ex parte, semper enim dici potest adesse defectus intentionis in concedente propter clausulam derogatoriam, quidquid dixerit Innoc. in cap. pen. de Capell. Monach. ut bene per Rotam d. decij. 122. num. 2. ubi etiam tolluntur alia objecta.

Rursus non obstat, quod hæc Constitutio non fuerit edita immediate à Concilio, sed ab Innocentio III. in Concilio Lateranen. ut patet ex illius superscriptione. Quia nihilominus dicitur Conciliaris ad effectum ut sit necessaria derogatio, ut optimis fundamentis resolvit Rota decij. 123. part. 1. divers. & probavi latissime in d. cap. Ex parte ad n. 1. usque ad n. 27.

Adverte tamen, quia ad validitatem hujus privilegii videtur sufficere, si in litteris derogetur alicui Concil. Generali, & postea subdatur clausula, Et alius Concilii &c. ex hoc enim censetur etiam derogatum dicti Concilii Lateranen. ut in terminis resolvit Rota in causa Conchen. exemptionis decimarum 17. Martii 1589. coram Orano & alias sepe simè, ut dicitur in decij. 316. num. 11. part. 5. recent. Quin etiam satis esset derogatio per clausulam, Non obstante aliqua Constitutione in generali Concilio edita, ut per Dec. conf. 341. n. 10. Probo ad Monach. in cap. Cum in tua, n. 23. vers. Et quod necessaria sit, de Constit. lib. 6. quos in puncto sequitur Garz. de benef. part. 4. c. 5. n. 40.

Uterius Quæro, an in generali privilegiorum communicatione comprehendatur exemptio à solutione decimarum prædialium. Breviter respondeo non comprehendit; quia communicationes, seu adæquationes privilegiorum, quamvis amplæ & prægnantes, non extenduntur ad ea, que non solent concedi, vel saltem magna cum difficultate conceduntur, ut notant Doctores in l. 1. ubi in specie Jaf. num. 21. & 22. ff. de legat. 1. & est celebre conf. 19. Anton. de Butr. quod sæpius & Sac. Congregatio, & Rota secuta est. Sed exemptio à solutione decimarum prædialium non solet nisi cum magna difficultate, & causæ cognitione concedi; Joan. Andr. in cap. Dudum, n. 5. vers. Ratio diversitatis, de privileg. ergo non venit in generali privilegiorum communicatione etiam cum clausulis prægnantibus omnimodæ adæquationis, & ita in terminis resolvit Rota in Valentini Decimarum 28. Novembris 1603. coram Cardinali Lancelotto juniore impressa apud Campan. ubi supra, & in recent. decij. 214. n. 5. part. 2. ubi allegantur alie decisiones concordantes.

Quod procedit etiam si in litteris communicationis facta fuerit mentio de decimis, quia hoc intelligitur de decimis extraordinariis, non autem de ordinariis seu prædialibus, ut notat Baldus per illum textum in lege Fiscalis, §. Fragmenta in fine de contrah. empt. cujus dictum referunt sequuntur Puteus dec. 65. lib. 3. Cremen. singular. 108. Felin. in c. Sedes n. 3. in fine vers. Et ista faciunt ad q. de rescript.

Ultimò quæro, an Religiosi vel Clerici sæculares possint decimas præscribere.

Glossa tertia & Doctores hinc multum in hoc se involvunt. 36 Sed breviter concludo secundum Abbatem n. 5. tam Religiosos quam Clericos posse præscribere decimas tam activè, id est jus solvendi decimas, prout loquitur hoc Capitulum, quam passivè, id est jus percipiendi decimas ab aliis, ut 37 c. Cum in tua & c. dudum supra eodem: utroque tamen casu debent habere immemorabilem vel quadragenariam cum titulo, quia cum jus commune eis resistat tam quoad jus percipiendi decimas, eò quod non habeant Parochiam; quam quoad jus decimas non solvendi Parochiali Ecclesie cui debentur de Jure communi, d. c. Cum in tua in fine; non possunt absque titulo præscribere, ut est textus rotundus in c. 1. & hic omnes de prescript. lib. 6. quem in hac specie dicit insignem Covarr. & aliis relatis de communi testatur lib. 1. variar. resol. c. 17. numero 7. & adde quod scripsi post glossam ult. in c. In aliquibus supra eod. à n. 10. usque in finem.



DE REGULARIBUS, ET TRANSEUNTIBUS

AD RELIGIONEM.

Ex Concilio Moguntino.

CAPUT I.

Nullus tondeatur, nisi in legitima ætate, & spontanea voluntate.

SUMMARIUM.

- 1 Tonsura arguit professionem si per eam professi à novitiis distinguantur.
- 2 Actus quilibet à consensu regulatus exigit habitatem agentis intrinsecè & libertatem, ut vim non patitur ab extrinsecò.
- 3 Infans an possit religionem ingredi, & habitum suscipere.
- 4 Ætas legitima quæ dicitur ad professionem expressam tam de jure communi, quam ex Concilio Tridentino, & n. seqq.
- 5 Et quid in professione tacita, quæ inducitur ex gestatione annali habitus indistincti, vel indistinctissimi, num. 7.
- 6 Et quid in professione tacita, quæ inducitur ex susceptione habitus professorum, vel aliu modis, n. 10.
- 7 Ætas pubertatis quæ sit.
- 8 Malitia in Matrimonio spirituali non supplet ætatem, secus in Matrimonio carnali.
- 9 Professio tacita ex gestatione annali habitus indistincti, vel indistinctissimi non inducitur nisi elapsis anno post ætatem præfixam ad emittendam professionem expressam, & n. seqq.
- 10 Beneficium ingrediendi religionem ante pubertatem quando alteri conferri possit.
- 11 Professio tacita quandoque non inducitur nisi post annum ætatis decimum nonum, vel vigesimum primum.
- 12 Professio quæ inducitur ex susceptione habitus professorum, &c. de jure communi requirit ætatem pubertatis, & ex Concilio Trident. annum decimum sextum completum, & n. seqq.
- 13 Professio tacita non est exclusiva à decretis Concilii servato tempore quod Concilium requirit.
- 14 Ætas legitima, seu perfecta dicitur viginti quinque annorum, nisi subjecta materia aliud suadeat.
- 15 Professio in Monasteriis, ubi est dura Congregatio emitti non potest ante plerumque pubertatem.
- 16 Professio ex statuto speciali in aliquibus religionibus, ut Capucinorum, fieri non potest ante annum decimum octavum completum.
- 17 Statuta Ordinum, quæ requirunt ætatem majorem sexdecim annorum ad profectendam, Concilio Tridentino non adversantur.
- 18 Conventi recipi non possunt ad habitum Regularem ante annum vigesimum inchoatum.
- 19 Ætatem profectus majoris, vel minorem is probare debet, qui se fundat, in ea.
- 20 Utrisque tamen probationes recipi possunt, n. 19.
- 21 Major, vel minor quis non præsumatur, cum ætas currat de momento in momentum.
- 22 Professio ad sui validitatem requirit spontaneam voluntatem.
- 23 Et quæ dicatur voluntas spontanea, ibidem & n. 22.
- 24 Profiteri potest valide etiam deductus & circumventus.
- 25 Professio emissa per metum, est ipso jure nulla; nec est opus ut rescindatur actione quædam metus causa.
- 26 Actus requirens spontaneam consensum non valet, si metus intercesserit.
- 27 Fagnan. in III. Lib. Decretal.
- 28 Voluntas coacta voluntas est, sed non spontanea seu libera.
- 29 Militem voluntarium sibi eligit Christus, coactum vero ubi auctionatur diabolo.
- 30 Metum qui allegat probare debet, sed tamen uterque probare potest.
- 31 Regularis prætendens se per vim & metum aut aliis nulliter professum fuisse, causa nullitatis infra quinquennium deducere debet coram Superiore suo & Ordinario, aliter non est audiendus.
- 32 Regularis Prælati volentes aliquem à Religione expellere tanquam nulliter professum, an teneantur servare formam à Concilio Tridentino præscriptam in c. 19. sess. 25. de regular. & n. seqq. usque in finem.
- 33 Regularis Prælati de Jure communi poterant dimittere nulliter professos, etiam non adhibita Ordinario & n. 40.
- 34 Statutum quod potest unum vel duo operari contra Jus commune, interpretari debet ut unum tantum operetur.
- 35 Ordinarius cur ex Concilio Tridentino sit adhibendus in iudicio nullitatis professionis.
- 36 Iudici subscripto de Jure Civili Episcopus datur adjuvans.
- 37 Regularis Prælati ex Concilio Meldensi prohibentur expellere Monachos professos, non adhibito Ordinario.
- 38 Testis magis repellitur cum se offert ultro quam cum requiritur.
- 39 Professio tacita obstat tam subdito discessum petenti, quam Superiori expellere volenti.
- 40 Contractibus clandestinis non debent.
- 41 In contractibus ultro citroque obligatorii dispositum in uno ex correlativis censetur dispositum in alio.
- 42 Lex nova disponens in uno ex correlativis, censetur disponere in alio etiam ad correctionem Juris communi ubi eadem est ratio.
- 43 Extensio etiam ex identitate rationis non fit in exorbitantibus à Jure communi, nisi sint correlativi.
- 44 Monasteria de Jure veteri subjecta erant Episcopo Diocesano; & ad eum spectabat cura & sollicitudo etiam Monachorum.
- 45 Lex correctoria dicitur favorabilis & late interpretanda, quando per eam sit redditus ad Jus antiquum.
- 46 Regularis tam subditus quam Prælati allegantes nullitatem professionis ob non servatam formam Decretorum Clementis VIII. tenentur causas infra quinquennium deducere in Congregatione Concilii.
- 47 Reversio adversus lapsam quinquennium, an sit concedenda Superioribus Regularibus, sicut subditis professionis nullitatem allegantibus.
- 48 Iudicium non debet claudicare.
- 49 Regularis Prælati qui admittunt Novitios ad professionem ante annum probationis elapsam, aut in Conventibus non designatis, quas penas incurrant.
- 50 Legis auxilium frustra invocant qui in legem committunt.
- 51 Ignorantia non excusat in his qua quis tenetur ex officio inquirere.